

**ԱՆԱՀԻՏ ԱՐՏԱՎԱԶԴԻ  
ԿԻՐԱԿՈՍՅԱՆ**

*Երաժշտագետ-ֆոլկլորագետ,  
Երևանի Կոմիտասի անվան պետական կոնսերվատորիայի դոցենտ*  
E-mail: anki.mus@mail.ru  
Doi:10.58580/18290019-2022.1.62-34

«Երաժշտական Հայաստան» ամսագրի խմբագրական խորհրդի  
երաշխավորությամբ՝ Նունե Ռոմեոյի Աթանասյան՝ 30.9.2022 թ.,  
ընդունվել է տպագրության՝ 2.10.2022 թ.,  
ներկայացրել է հեղինակը՝ 1.9.2022 թ.

*Սրտի խոսք՝ ուսուցչիս*

**Անվտիմում**

Այս փոքրիկ հոդվածը նվիրված է Երևանի Կոմիտասի անվան պետական կոնսերվատորիայի պրոֆեսոր, երաժշտագետ-ֆոլկլորագետ, արվեստագիտության թեկնածու Մարգարիտ Արամի Բրուտյանի 100-ամյակին (1922-2002 թթ.): Ավելին՝ սիրելի ուսուցչին ուղղված սրտի խոսք, նրա մեծ վաստակի գնահատման համառոտ փորձ և հիշատակը վառ պահելու մեծ ցանկություն:

**Բանալի-բառեր.** Մարգարիտ Բրուտյանի 100-ամյակ, Հայ ժողովրդական ստեղծագործության կաբինետ, Հայ երաժշտական ֆոլկլորագիտության ամբիոն, Կոմիտաս թանգարան-ինստիտուտ, Գյումրի-Ալեքսանդրապոլ-Լենինական, Արշակ Բրուտյան, Քրիստափոր Քուշնարյան:

**Abstract**

Musicologist-folklorist, Associate professor at YSC **Anahit Artavazd Kirakosyan** - *"My heart's Word to My Teacher"* - This short article is dedicated to the 100th anniversary of Margarit Aram Brutyan (1922-2002), Professor at Yerevan Komitas State Conservatory, musicologist-folklorist, PhD in Arts. Moreover, a word from the heart addressed to the beloved teacher, a brief attempt to appreciate her great merit and a great desire to keep her memory alive.

**Key Words:** Margarit Brutyan's 100th anniversary, Cabinet of Armenian Folk Art, Department of Armenian Musical Folklore Studies, Komitas Museum-Institute, Gyumri-Alexandrapol-Leninakan, Arshak Brutyan, Kristapor Kushnaryan.

**Абстракт**

Музыковед-фольклорист, доцент ЕГК **Анаит Артаваздовна Киракосян** - *"От всего сердца - учителю"*. Статья посвящена 100-летию со дня рождения профессора Ереванской государственной консерватории им.Комитаса, музыковеда-фольклориста, кандидата искусствоведения Маргарит Арамовны Брутян (1922-2002). Слово - посвящение любимому педагогу в память о ее многогранной плодотворной деятельности.

**Ключевые слова:** 100-летие Маргарит Брутян, кабинет народного творчества, кафедра армянской музыкальной фольклористики, Музей-институт Комитаса, Гюмри-Александрополь-Ленинакан, Аршак Брутян, Христофор Кушнарян.

Այս ամբողջ տարին մենք նվիրել ենք մեր սիրելի ուսուցչին՝ հայ ժողովրդի ազնիվ զավակներից մեկին Մարգարիտ Արամի Բրուտյանին (1922-2002), որպես հայ մշակույթի իսկական և ակտիվ գործիչ (ցավոք՝ առանց պաշտոնական կոչման): Նա ճանաչված ու սիրված էր, հայտնի ոչ միայն Երևանի Կոմիտասի անվան կոնսերվատորիայում, այլև խորհրդային երաժշտագիտության, հատկապես՝ ֆոլկլորագիտության բնագավառում:

Իմ սիրելի ուսուցչին արմատներով, ուղն ու ծուծով, ինչու չէ՛ համ ու հոտով իսկական գյումրեցի էր, մտավոր-



ական գյումրեցի, XX դարակազմի Ալեքսանդրապոլ-Լենինականի հայտնի Բրուտյանների (Բրուտյան) գերդաստանի շնորհալի շատավիդ: Իր պապի Գյումրիում հայտնի արվեստագետ երաժիշտ-բանահավաք, խմբավար, նկարիչ, մանկավարժ և երաժշտահասարակական գործիչ Արշակ Բրուտյանի արժանավոր հետևորդ: Պատահական չէր, որ քույր ու եղբայր, պրո-

Ֆետրներ Մարգո և Լևոն Բրուսյանները պայպից ժառանգած հմտություններն և ունակություններն անմնացորդ ներդրեցին կոնսերվատորիայի կրթական համակարգի կառուցման գործում:



**Ալինա Աշոտի Փախևանյան, Անահիտ Արտավազդի Կիրակոսյան, Մարգարիտ և Լևոն Արամի Բրուսյաններ (1997 թ.)**

**Alina A.Pakhlevanyan, Anahit A.Kirakosyan, Margarit A.and Levon A.Brutyanyan (1997)**

**Алина Ашотовна Пахлеванян, Анаит Артаваздовна Киракосян, Маргарит Арамовна и Левон Арамович Брутяны (1997)**

Այսօր նույնիսկ դժվար է պատկերացնել Կոմիտասի անունը կրող ԲՈՒՀ-ն առանց այն ազգային օղակի, որի հիմնադիրը եղավ Մարգո Բրուսյանը: Դա 1969 թվականին էր. Կոմիտասի ծննդյան 100-ամյակի օրերին նա մեծ ջանքերով հիմնեց ազգային փոքրիկ Կարինետ (ամբողջական անունը Հայ ժողովրդական երաժշտական ստեղծագործության կարինետ), որն ի դեպ, 2003-ից պաշտոնապես կրում է իր հիմնադրի անունը (հաստատագրված է հուշատախտակով):

Բայց դա բավարար չէր. նա մտածում էր ֆոլկլորի ամբիոն ստեղծելու մասին: Նրան հանգիստ չէր տալիս այն «տհաճ» փաստը, որ Կոմիտասի երազած երաժշտանոցում բազմատեսակ ամբիոնների շարքում բացակայում է ամենակարևոր օղակը՝ ազգայինը: Վերջապես, 1989-ին Կարինետը վերաճեց Հայ երաժշտական ֆոլկլորագիտության ամբիոնի: Այդպիսով, կոնսերվատորիայի կրթական համակարգում Մարգո Արամովնայի շնորհիվ դրվեց ազգային համալիր կրթության ասուր և գիտական հիմքը:

Նրա մտահղացումները շատ էին, բայց դրանցից երեքը ամենակարևորն էին.

- ա) ազգային դասընթացների դասավանդում,
- բ) ժողովրդական երգերի հավաքման գիտարշավներ Հայաստանի տարբեր շրջաններում և նրա սահմաններից դուրս,
- գ) երգերի նոտագրում և ժողովածուների հրատարակում:

Այս ամենը և նույնիսկ ավելին, թե՛ իր օրոք, թե՛ հետագայում ամբիոնի շնորհիվ իրականություն դարձավ (Մ. Բրուսյանից հետո երկար տարիներ ամբիոնը ղեկավարել է պրոֆեսոր Ալինա Փախևանյանը, ներկայումս դոցենտ Նունե Աթանասյանը):

Իսկ նրա սաներից շատերն, այդ թվում նաև ես, ավարտեցին հենց իր մասնագիտական դասարանը՝ իբրև ֆոլկլորագետներ և այսօր էլ շարունակում են գործել իրենց ուսուցչի ծավալուն գործունեության այս կամ այն ոլորտում:

Պետք է նշել, որ իր սաների նկատմամբ թեև խստապահանջ էր, բայց միաժամանակ՝ մարդկայնորեն շատ ջերմ: Շատերի համար նա ոչ միայն ղեկավար էր, այլև հոգևոր մայր. նա ունակ էր յուրաքանչյուրին հասկանալու անհատապես, հնարավորության դեպքում օգնել ինչով կարող է՝ խոսքով թե՛ գործով: Մտահոգվում էր նրանց կյանքով, ուրախանում հաջողություններով. գիտեր՝ ով որտեղ է աշխատում, ինչով է զբաղված, ինչ հոգսեր ունի:

Իր ասելով, նման հոգատարությունը նա ժառանգել էր իր սիրելի ուսուցչից՝ Լենինգրադի (ներկայումս՝ Մանկոտ Պետերբուրգ) կոնսերվատորիայի պրոֆեսոր Քրիստափոր Ստեփանի Քուշնարյանից, որի նկատմամբ տածում էր մեծագույն հարգանքի, ակնածանքի ու երախտագիտության զգացումներ: Ինքն էլ իր հերթին մանկավարժական երկար ու ձիգ տարիների ընթացքում կիրառում էր այն ամենն, ինչ սովորել ու ժառանգել էր իր մեծերից:

Երկար տարիներ Մարգո Բրուսյանը փայփայում էր ֆոլկլորի ինստիտուտ ստեղծելու նպատակը. շատ իրավասու պաշտոնյաների դռներ թակեց, սակայն խորհրդային տարիներին նման երազանքն իրոք երազանք էր: Ես առավել քան վստահ եմ, որ այսօր նա անչափ երջանիկ կլիներ՝ տեսնելով Կոմիտասի թանգարան-ինստիտուտի գոյությունն ու բերուն գործունեությունը.

Ըստ էության նա հենց սրա՝ մասին էր երազում:



**Կոմիտասի թանգարան-ինստիտուտ, Երևան**  
**Komitas Museum-Institute, Yerevan**  
**Музей-институт Комитаса, Ереван**

Հատկապես կյանքի վերջին՝ հիվանդ տարիներին հաճախ էր ինձ հետ կիսվում, հետաքրքիր հիշողություններ պատմում իր կյանքից, զավեշտական դեպքեր իր բազմաթիվ ճամփորդություններից... Գիտեր, որ իր մասին գիրք եմ գրում\*, թվում էր թե չէր ուզում, բայց զգուս էի, որ ներքուստ ուրախ է, չէ որ իր արած գործն ինչ որ չափով կլուսարանվի:

\* Կիրակոսյան Ա., Մարգարիտ Բրուսյան. - Նյութեր կենսամատենագրության: Երևան, 2000, 2007:



**Ա. Ա. Կիրակոսյան, Թ. Գ. Պողոսյան,  
Մ. Ա. Բրուտյան, Ա. Ա. Փահլևանյան,  
Մ. Գ. Շահինյան, (1995 թ.)**

*A. A. Kirakosyan, T. G. Poghosyan,  
M. A. Brutyan, A. A. Pakhlevanyan,  
M. G. Shaginyan (1995)*

*A. A. Киракосян, Т. Г. Погосян,  
М. А. Брутян, А. А. Пахлеванян,  
М. Г. Шагинян (1995)*



**Ա. Գ. Ոսկանյան,  
Ա. Ա. Կիրակոսյան,  
Մ. Ա. Բրուտյան (1996 թ.)**

*A. G. Voskanyan,  
A. A. Kirakosyan,  
M. A. Brutyan (1996)*

*A. Г. Восканян,  
А. А. Киракосян,  
М. А. Брутян (1996)*



**Քրիստափոր  
Ստեփանի  
Քուշնարյան  
Christophor  
Stepan  
Kushnaryan**

*Христофор  
Степанович  
Кушнарян*



**Մարգարիտ  
Արամի  
Բրուտյան  
Margarit  
Aram Brutyan**

*Маргарит  
Арамовна Брутян*

Արդեն երկար տարիներ (քսան տարի) մեզ հետ չէ մեր սիրելի ուսուցիչը... Ժամանակն առաջ է գնում, բայց մենք շարունակում ենք կարոտել ու փնտրել նրան, ուզում ենք լսել նրա մասնագիտական ու մայրական խորհուրդները, հետաքրքիր մտքերը, տեսնել նրա բարի ժպիտն ու սևեռուն հայացքը: Կարծում եմ՝ դեռ երկար պիտի զգանք նրա կարիքը: Թեպետ խորագիտությամբ ու հեռատեսորեն նա կրթեց ու պատրաստեց հետնորդներ, գործին նվիրված շարունակողներ, այնուամենայնիվ Իր տեղն այդ բնագավառում «մնաց թափուր»:

Վերջում ուզում եմ անպայման ավելացնել, որ Մարգո Արամովնան, չնայած երիտասարդ տարիների բազում դժվարություններին, 1937 թվականի հետևանքով կրած ծանր ապրումներին, նա ուրախ անձնավորություն էր: Ամեն առիթով սիրում էր բոլորին հավաքել իր շուրջը, հյուրասիրել: Իր Գոհար մայրիկից ժառանգած գյուրեցու «հիվանդագին» հյուրասիրությունը փոխանցվել էր նաև իրեն, իրենից էլ՝ գավակներին ու թոռներին: Մարգո Արամովնայի և նրա կյանքի հավատարիմ ընկերոջ Հայաստանի արդյունաբերության բնագավառի առաջատար մասնագետ, հմուտ ինժեներ Հրաչյա Եղիշեի Առուստամյանի օջախը միշտ բաց էր հյուրերի առջև: Մի առիթով ես գրել էի, որ «ոչ ոք դուրս չէր գա այդ տնից՝ առանց սեղանի աղն ու հացը համտեսելու»\*:



**Մարգարիտ Արամի Բրուտյան,  
Մարգարիտ Արամի Ոսկանյան  
(Մարգո Արամովնայի վերջին  
լուսանկարը, 2002 թ.)**

*Margarit Aram Brutyan,  
Margarit Aram Voskanyan  
(The last photo of Margo Aram  
Brutyan, 2002)*

*Маргарит Арамовна Брутян,  
Маргарит Арамовна Восканян  
(последнее фото М.Брутян),  
2002*

**Հեղինակի մասին տե՛ս էջ 27:  
About the author, go to 27.  
Об авторе, см.: стр. 28.**

\* Կիրակոսյան Ա., Գյուրվա հայտնի գերդաստանի արժանի հետնորդը՝ Մարգարիտ Արամի Բրուտյան (1922-2002) 100-ամյակին ընդառաջ: «Երաժշտական Հայաստան», N 2 (50) 2022, էջ 9: